


Krosnowski Nicolaus

Ostroszewski Wenceslai & Herberti Prototororum
amplissimorum in Ecclesiam et Rempu-
blicam meritorum.



ΠΡΟΤΟΤΥΠΟΝ
Amplissimorum in Ecclesiam, &
Remp: meritorum;

ILLVSTRISSIMI ET REVEREN-
DISSIMI DOMINI,

D. NICOLAI
KROSNOWSKI.

Diuinâ prouidentiâ,
ARCHIEPISCOPI LEOPOL:
PERPETVI ADMINISTRATORIS
ABBATIÆ CZERVINENSIS. &c. &c.

Ecclesiæ, Senatui, & Populo, exhi-
bendorum,

*Luci publicæ, in primordiis, ARHIEPISCOPA-
TVS ILLVSTRISSIMI.*

Per
M. VENCESLAVM ALBERT: OSTROSZEWSKI
Lycæi Academici Leopoliens. Rectorem,

Anno Incarnationis Dominicæ, 1645. 144524

EXPOSITVM.

LEOPOLI,
Excudebat Sebastianus Nowogorski Typographus C. S. I.

IN ARMA PERANTIQUA AMPLISSIMÆ
VRBIS LEOPOLIENSIS.



HEn fuge Parthe ferox, nec te obuia porta moretur,
Quamuis aperta manet, non tibi aperta manet.
Ciuibus illa patet : Scythicas premit illa Cohortes ,
Huic Leo magnanimus prouidet excubias.
Ergo Leonis ope, intritissima viue propago,
Diues es ingenijs, fortis es excubijs.

Constantinus Brzuchowski
Stud: Scholæ Metr: Leopoli.

CLARISSIMÆ VRBIS LEOPOLIENSIS,
TERRARVM RVSSIÆ METROPOLIS,
AMPLISSIMO, SAPIENTISSIMOQVE

SENATV I;

PROCONSVL I,
ET CONSVLIBVS

DIGNISSIMIS,

Dominis ac Patronis meis longè Benignissimis;

S. & F.



*V*Æ res ad offerendam hanc pertenuem opellam vestro
nomini amplissimo, me excurrentē in præclaram, lau-
dum materiem **ILLVSTRISSIMI AC REVE-
RENDISSIMI DOMINI NICOLAI KRO-
SNOWSKI, ARCHIPRÆSVLIS** nostri dignis-
simi impulerunt; Proconsul & Consules lætissimi. Cum
enim imprimis innumera in me, Lyceumq; Civitatis Leopoliensis Academi-
cum beneficia: tum honoranda Senatoris tanti amplitudo, vel levis-
simis adumbrata documentis, haud mediocrem stimulum in animo meo
excitârunt. Etenim cum viuâ frequentissime memoriâ, primo ordine po-
sita refrico beneficia, quæ laureatis, Alma Musarum virtutumque Pa-
rētis exhibetis semper hominibus; mihi profectò umbratili Professori, de
vobis ac de vestris ciuibus integerrimis nondum satis bene merito, ex pro-
pensa in me voluntate per quam accumulatè demonstrastis. Quis obsecro
ut par est, illum quem omni genere scientiarum condecoratis? dignissimum
viris candorem, deprædicare valeat? quem in me in regiminis mei perar-
duis principijs, & in cōponendis æstuosæ ac puluerulentæ palæstræ officijs,
tanquam Platones sapientissimi, Licurgi prudentissimi, Legumlatores vi-
gilantissimi, tanquam ex Amalthææ cornu, effudistis? Quis deinceps
animos & in rebus humanis mirandum in modum approbandam huma-
nitatem, in meis viribus reficiendis explicauerit? quæ apud vos præ cæ-
teris Regni Sarmatici viris, omnino primarium locum obtinuit. Hæc e-
nim munificæ liberalitatis propensio gentilitia vestra clarissimæ Urbis
est virtus: cuius firmitate atq; vigore, non modò collapsas Gymnasy Acade-
mici parietes restaurastis; verum etiam laboriosi Præsidis literarum pro-
uentus, quotannis ex arario publico persolvendos, vberiores ex singulari
vestra

Vestra in me beneuolentia, reddidistis. Cetera vero erga Rempublicam Leopoliensem merita, ob summam illorum amplitudinem, iusto inuoluo silentio; dum in Patriæ vestræ liminibus, ea vos prestare video, quæ Romanæ facundia Parens Cicero, in Republica Romana popularia regnare exoptabat, Ornamenta. Quid enim est, (inquit,) tam popolare, quàm Pax? quàm non modo ij quibus natura sensum dedit, sed etiam recta atque agri mihi lætari videntur. Quid tam popolare quàm libertas? quam non solum ab hominibus, verum etiam à bestiis experiri, atque omnibus rebus anteponi videris, quid tam popolare quàm ocium? quod ita iucundum est, vt & vos & maiores vestri, & fortissimus quisque vir, maximos labores suscipiendos putet, vt aliquando in otio possit esse, præsertim in imperio ac dignitate. Ita ergo Leopolim vestram ornatus, ornando promouetis, promouendo ad æternam felicitatem, Sollicitâ operâ, studio, charitate, incitatis, vt optimorum virorum pariterq; Ciuium numeros expleatis. Accedit postea Pastoris vestri summa honoris maiestas, Ciuitatis Leopoliensis omnes angulos, illiusque Cines, honesti rectique adamantes, nec non vos omnes ac singulos, benigno, charitatis collustrans affectu, vt eius præclare gesta, in Ecclesiam Dei, Senatum peraugustû, atq; vltimæ sortis & conditionis homines exhibita, Vobis considerata serio persuadet proponere. Apertam enim manifestumq; est quod hunc literis, eruditione, grauitate, pietate, vitæ Sanctimoniam, & altâ mente præditum Archipræsulem merita, in tam sublime dignitatis fastigium, cum spe ingenti nominis Vestri propagandi, euerunt, extulerunt. Quibus iure meritissimo factis, non nomine Præsul, sed iuxta præceptum D. Ambrosij re ipsa ac virtute debet nominari. Sicut (inquit ille) Senatorem chlamys ornatur, sicut agricultura rusticum, sicut barbarum arma, sicut nautam nauigationis peritia, & singulos quosq; opifices, operis sui qualitas ipsos demonstrat actores: sic Episcopum, non aliter nisi Episcopalis operatio designat, vt ex bono opere magis quàm professione noscatur, plus meritis esse Episcopus, quàm quod nomine vocitetur. Eiusmodi itaq; vos Præsulem nacti, non inconuenienter vniuersi Ciuitatis Leopoliensis incolæ, quorum feruentissima desideria, hunc amplissimum Virum longo tempore expetebant, nunc in iucundâ effundere animos debeant in simul Vobiscum exultatione. Quocirca gratulor & vobis, & vestræ Vrbi, munificentissimû ac Optimum Senatorem; sub cuius placidissimis gratiæ fauoribus, vt tutò conquiescatis, id ipsum ex intimis animi mei recessibus iterum atque iterum exopto.

*Clarissimarum & Consultiss. Dominat: Vestrarum
Humillimus Seruus.*



Hunc esse illum,
quem probi omnes me-
ritò debeant imitari,
& amare.

Arist: in script: in ara Platoni construct.





Mireris Magni KROSNOWII Stemmata vera,
 Egregiae placidam simplicitatis ouem.
 Quam nobis placidam solers natura creauit,
 Inq. simul fudit nobilitatis opes.
 Ergo ouium Pastor Sanctissimus æthere pascas,
 Atque suam placido numine seruet ouem.

Nicolaus Sredzinski
 Stud: Scholæ Metr: Leop.

ΠΡΟΤΥΠΟΝ

Amplissimorum in Ecclesiam, &
Remp: meritorum.



I quid excelsæ Tuæ virtuti, in hoc amplif-
simo Republicæ Polonæ Prytaneo acci-
dere debuit ILLVSTRISIME AC RE-
VERENDISIME DOMINE ARCHI-
PRÆSVL, profectò sublimis hæc Archie-
piscopatus Leopoliensis prærogatiua, Tuis nunc humeris
auspicato omine sustentanda. Te suum debebat lucrari
possessorem. Quis enim alius virorum etiamnum perma-
gna nominis commendatione dignissimus, conscendere
hoc altissimum honoris fastigium, præter Te auderet? cu-
ius manifesta præclarè factorum argumenta, ad seræ po-
steritatis Mnemosynon, quibus suis bonis Patriæ ciuibus,
suspicienda extiterunt; vt non iniuria Potentissimus ac
Inuietissimus Regni Polonorum MONARCHA, perspi-
caci suæ mentis oculorumque acie, omnes cognititas ha-
bens Tuas actiones, Te ARCHIPRÆSVLEM Leopoli
præficere desiderârit. Lætabatur non mediocriter tum
temporis Serenissima ipsius Maiestas, quod cum tantis
virtutum ornamentis Virum, Ecclesiæ Dei, post fatalem
vnius decessum, assignârit. Lætatur tamen magis, purpu-
ratus prudentissimorum ordo Senatorum, quod consilio-
rum ac mutui confessus fratrem, altiore iam in Corona
sua locum, videat felicissimè tenentem. Lætantur nobi-
lissimi quique totius Regni Sarmatici Viri, quod Tibi gu-

bernacula tanti honoris, tanquam de se optime meritissimo sint concessa. Verū enim uero Urbis inclytæ Leopoliensis Viri, Tuo nomini à longo temporis intervallo addictissimi, cæteris Regni huius ciuibus, & in his maxime oris primarij, agnoscentes Te suum ARCHIPRÆSVLEM, iure quodam consociato videntur exultare. Si quidem benignissimo in Diuino cultu promouendo destituti Patrono, ne immensi Creatoris omnium rerum, debita veneratio infringeretur, Te maximū Ciuitatis suæ Propugnatorem, simulque supremum Ecclesiæ Metropolitanae Leopoliensis caput, cum ingenti animorum suorum desiderio, in conspectu vniuersæ Archidiæceseos, quàm primū manere percipiunt; quorum intimam voluntatem, ardentem desiderio aduentus Tui dum adspicio, nullus mihi profectò terminus dicendi constitueretur, si exprimere vellem, cum quanto applausu, quantis studijs, quantis vocibus, Tuum in suam Urbem ingressum, diu expectatum præstolarentur. Exploratum illi habebant per quàm impensius ILLVSTRISIME ACREVERENDISIME DOMINE ARCHIPRÆSVL, qualem Virum, perturbato ac turbulento hoc Reipublicæ tempore, singulari Diuini Numinis prouidentia, veluti cælestibus demissum ab oris, ad patentes orbis Borussiaci partes, sint adepti. Quod si impetu concitatori vltius progrederer, cognoscerem mehercule, quòd non modò istorum propensa in Te studia Te desiderant, verū etiam municipia, coloniae, agri denique ipsi, tam beneficum, tam salutarem, tam mansuetum Præsulem, tanquam Dominum hæreditarium requirant. Omnes insuper mirandum in modum,

modum, exoptantes desideratum sui Pastoris conspectum, cum festiua animi gestientis lætitia, ad ducendos excurrunt triumphos. Quæ ego cùm diligentiori trutinâ mentis considero, non mediocre in animo meo dubium exoritur, cui nam in solennioribus istis acclamationum vocibus, & in hac communi omnium lætitia, in primis mihi esset gratulandum; Vtrum deuotis Archidiæceseos Leopoliensis ouiculis, an Tibi ipsi ob emeritum per multos annos honorê: Vincit tamen nominis tui gloria, popularis multitudinis in gratulando præstantiam, atq; vt Tuæ recenti dignitati, nobis quæque fausta ac prospera pollicenti, applausus gratulatorios effûdam; serîo persuadet. Quos dum aggredior, non possum non commonstrare, quid in primis Ecclesia Metropolitana, cum cæteris in Russiæ feracissimæ spatiosis partibus, suo regimini subiectis, ex Te suo Antistite sit consequuta: quid deinde conspicui publicæ tranquillitatis antesignani viri, Magistratus honore præsertim præfulgentes: quid insuper populus vniuersus, vestigijs continuè incedens superiorum, quid inquam hi omnes sunt adepti. Cognosces proculdubio **ILLVSTRIS-SIME AC REVERENDIS-SIME DOMINE**, si expandi vela orationis meæ patieris, & Tuæ gratiæ fauonijs, (quam spero pro tua in omnes admiranda humanitate, certò mihi affuturam,) vt ad portum perueniam exoptatum; me in enauigando tuorum meritorum oceano promouebis. Atque in primis neminem latere potest **ILLVSTRIS-SIME DOMINE**, quòd Te lectissima æterni ac Præpotentis Dei Sponsa, in altissimo suæ Monarchiæ officio, superiorem cæteris Pastorem, ad
C regen-

regendas fanguine precioso Saluatoris ac vindicis nostræ
libertatis emancipatas oues, collocârit; necnôn in salutiferis Domini mandatis errabundas, in viam æternæ beatitudinis dirigas, hoc munus lacertis Tuis imponere nequam perhorruit. An cui virorum alteri istud solum eminentiæ, laboris ac curarum refertissimum, præter Te debebatur committi? qui à primo iuuentutis flore, sollicitâ operâ parentum Tuorum, honestissimis artium liberalium disciplinis deditus, adeo in earundem præstantissimo gradiebaris studio, vt intra paucorum annorum spacium, encyclopediam scientiarum, videreris possedisse. Quis in illo Gymnasiorum puluere fastidioso, Te bonas artes tractante, ad conquirenda doctrinæ mercimonia Te vnquam sagacior erat conquisitor? quis ad excolendum animum crebris exercitiorum concertationibus expeditior, ac promptior inueniebatur? quis illo tempore tuorum commilitonû, in cursu hoc per quàm arduo, ad hanc quam tu spectabas eruditionis metam, Athleta robustior? quis insuper in cõcoquendis molestijs succrescenti iuuentæ summopere ad sustinendû grauissimis, in illo ætatis flexu imbecillo, etiam diligens literarum Alumnus patiëntior Te extiterat? profectò ipse extitisti, dum tam graue, tam formidolosum, tam asperum pondus, & corpus tuum tum tenerum sæuissimè opprimens, forti ac alacri animo superasti. Non te importunæ puerilis consuetudinis occupationes, à suscepto artium perdiscendarum proposito amoueabant, verûm genuinus nobilitatis signiculus, tanquam generosæ indolis adolescentem, vt nunquam ab ijs destitisses, inflammabat. Non suscepta facinorosorum familiarium

liarium conuenticula, compositos vel maximè mores in-
culpatæ vitæ Tyronum corrumpentiâ, Te à gymnasticis
receptaculis alienare potuerant; sed magis viuâ exercita-
tissimorum virorum exempla, vt in dies vberiora accepis-
ses in eis incrementa, sedulo promouebant, stimulabant.
Non fucata spurcissimarum voluptatum bladimenta, si
non veriùs dicam deliramenta, à tanto studiorum bono,
quorum desiderio ingenti semper tenebaris, suis vene-
natis aculeis, ruinam ætati immaturæ minitantibus, quo-
uis modo deturbare attentabant; sed ductrix ac tutatrix
Tua probitas, quam cum lacte materno in infantia con-
stitutus suxisti, ad hanc animi solidâ possessionē, cum sum-
ma studentium admiratione, Parentum verò haud fallaci
expectatione ducebat, erigebat, excitabat. Istis itaque
scientiarum cohonestamentis, dum imaginem diuinæ bo-
nitatis, mentem videlicet instructam copiosè obtineres:
absque vlla interposita mora, ex puluerulenta & æstuosa
Musarum palæstra, consilio maiorum, vt Ecclesiæ Dei si-
mul & Patriæ prodesse possis, in lucem publicam erupi-
sti. Atque ne prauo torpesceres otio, ad Potentissimos
Reges Poloniæ, tanquam ad Asyllum tutissimum diuer-
tisti: in quorum splendidissimis aulis, omnibus politioris
literaturæ hominibus, candore, pietate, moribus, & e-
xemplo, ceu altâ mente sapientiæque thesauro præditus
vir anteiuisti, præfulsisti; vt non immeritò duorum animos
Principum in amorem Tui ipsius pellegeris, attraxeris.
Cum viderent manifestissimè magnanimi Heroes, quan-
tum vis ingenij, quantum eruditionis dexteritas, quan-
tum expolitæ rationis præcoctum iudicium, ad quæuis mu-

nia in Republica obeunda, maximè tamen Ecclesiæ in Te
valuerunt. Qua de causa alter illorum non frustratus sua
opinione, Episcopam Vendsensem in vltioribus Regni
finibus plantatam, commiserat tuæ fidei gubernandam.
Adeo suis ouibus illique Ecclesiæ placueras, vt plerumque
ab omnibus communis Parens vocitabaris: adeo pasto-
ris vigilantissimi in administranda illa Diæcesi officio
fungebaris, vt Præsul dignissimus, cælitus quasi ad custo-
diendum ouile Christi missus habebaris. Quis enim tu-
orum antecessorum, Vendsensis Ecclesiæ clauam olim te-
nentium, præsertim in medio sceleratissimæ plebis, hæ-
reseos maleuolentiâ infectæ quæque nefaria veris Ortho-
doxæ fidei cultoribus molientis viuacior vnquam fuit
repressor? profectò ipse fuisti non modò repressor, ve-
rùm etiam genuius tanquam domestici latrocinij extin-
ctor. Quis sacrorum acrior defensor templorum? quâ
domi, quâ foris, quâ publicè, quâ priuatim extitit ali-
quando ipse extitisti, dum noxijs errorum iniquina-
mentis à condemnata infidelium prauitate illa in regi-
one longè latèque disseminatis, fortiter restitisti. O-
mnes propemodum vires, omnes conatus, omnes cogi-
tatus eò dirigebas, vt Ecclesiam Vendsensem ab im-
petitionibus hostium infestissimorum sine intermissione
defenderes. Testantur hoc, me ipso tacente orbata in
honorem Præpotentis Dei extructa domicilia, quæ quoti-
die Tuam in suis ornamentis deprædicant liberalitatem;
testantur Sacra diuinorum officiorum ministri, quorum
fluctuantem non nihil in suo statu vitam, tanquam ex in-
felici Metamorphosi in meliorem transformasti conditi-
onem;

onem; vniuersi deinde ac singuli Vendenſis Archidia-
ceſeos incolæ, qui factorum tuorum fuere rigidi cenſores,
abſque vlla aſſentationis ſuſpicionem fatentur, quomodo
cultum diuinum zelo pietatis inflammatus, per continu-
um in vinea Chriſti propagabas laborem: Diuinæ ve-
rò Maieſtatis honorem, tanquam obſequentiſſimus Aſſer-
toris ac vindicis libertatis noſtræ Apoſtolus, inter gen-
tem natione barbaram, moribus incultam, vita aſperam,
mirifica cum animi ſubmiſſione euehebas, atq; poſtmodū
euectū, vt lucratus fuiſſes innumerabiles, maximo omnium
Pōtifiſci animas, exulceratis hominū mentibus, non imme-
mor ſui officiij peramanter inſtillabas, & inſtillatū, ad æui-
ternam Patriæ cæleſtis immortalitatem poſſidendam, vt
in viam huiusce felicitatis conſequentiæ inclinareſſes; per-
tinaci ſtudio promouebas. O Pontificem hâc tempo-
rum iniquitate, vniuerſis ſub vexillo Saluatoris mundi
militantibus exoptandum! O Paſtorem nullis vnquam lau-
dum encomijs celebrandum! ob tanta in omnes bonos
merita admiranda! O Virum per innumerabilem anno-
rum ſeriem, nunquam intermoriturâ æternitatis famâ di-
gniſſimum, in cuius vita integerrima, ſalus ac tota inte-
gritas Vendenſis Eccleſiæ, velut Herculeâ columnâ nite-
batur. Agnouisti in pietate promouenda Tui Supremi Sa-
cerdotis ſpiritum feruentiſſimum, in adminiſtrandis Di-
uini cultus officijs ſedulitatem, in defendendo patro-
cinium, in conſeruandis ac tutandis ſuis bonis fidelita-
tem, & inſignem in ornando magnificentiam cognouiſti.
Nihil tibi deſuiſſe ſanctiſſimo regnante hoc Præſule
fatearis eſt neceſſe. Deſiderabas fortaliſis in grege fidelium
D
culto-

custodiendo ab eo vigilantiam? nunquid in officio tanto, Pastore vero non exhibuerit tibi dignam virtutem: vitæ sanctimoniam ad imitandum credo requirebas? nunquid aliquando vel minimam impietatis labeculam in huius verè innocentissima vita, nullius sceleris conscia, nulli delicto obnoxia, conspexisti. Doctrinæ forsitan sublimitatem, cuius summo in honoris cliuo residenti Principi perutilem inuestigabas? nunquid præesse tibi attentasset, si fortissimò hoc sapientiæ Clypeo prius obarmatus non fuisset. Profundam puto ad ædificationem populi humilitatem in eo quæritabas? nunquid tumidū animi fastum, vel iniquam notasti phylautiam. Sed quorsum ego apud te de re tam manifesta disputo, & tanquam ex Syngrapha præclaras animi dotes recenseo, cū tota illius Corporis Symmetria, suā sponte loqui hæc videatur. Ac inprimis vultus in longum paulò propendens sanguine haud nimio intermixtus, nonne temperiem perturbationum, & animi moderati certissima præsert argumenta? quid suavis oculorum aspectus? nonne humanitatis euidens præbet nobis documentum; quid mens generosa, saluberrima ut plurimū consilia, pro regimine rectè ducendo præmeditans, & virum in alto dignitatis cacumine collocatum maiorem in modum commendans, quid inquam nos de se iubeat sentire: nisi ut Præsulem consilio grauem, iudicio maturum, & ad quoduis præclarè facinus aggrediendum, promptum atque paratū intelligamus. Quid insuper speciosa, & in vnum coadunata corporis fabrica autumat? nonne raram erga cuiusvis status, fortunæ ac conditionis homines, propensionem

nem animi, facile ominatur. Arque adeo naturæ ipsius beneficio est efformatus, ut ad gubernandam cælestis Sponsi vineam, natus & enutritus esse videatur. Cum vero vberissimam præstantissimorum meritorum materiem, in Te vno supremus Moderator nunc felicissimis auspicijs Sarmatici Regni gubernacula tenentis adspexit: Metropolitana Ecclesiæ Leopoliensi ut præsideas, extra omnem controuersiam aleam, in sedem honorificentissimam efferre Te concupiuit. Quotusquisque enim erat, qui hunc celeberrimum atque in spatiosæ Russiæ partibus longè primarium locum, cum immenso Ecclesiæ decore posset gubernare? Nemo me hercule in clarissimo hoc cæli Sarmatici Arcopago inueniebatur, præter Te, ad fasces Archiepiscopalis honoris obtinendas; quem communis vox populi, vota ciuium consentanea, maximaque Sacerdotum desideria, in peruagato ciuitatis sermone, tanquam numerosa Israhelitici quondam populi multitudo, Moysen & Aaronem deposcebant. Magnam ego in admirationem rapiebar ILLVSTRISSE AC REVERENDISSEME DOMINE ARCHIPRÆSVL, dum intra abditos mentis meæ recessus, crebris ac iteratis vicibus voluebam animo meo, quid esset causæ, cur superstite felicissimæ olim recordationis gloriosissimo viro, tuo Antecessore proximo, vniuersa Leopoliensis ciuitas, cum indigenis adiacentibus, quasi per sensum indigenitalem, Te Pastorem suum vbilibet locorum Summo consensu ingeminabat; nisi quod Tua probata in medio sui prius specularetur facinora, subito Te suum Principem præsentiebat futurum. In cuius singulari patrocinio, tanquam sub diuino palladio, vel

dio, vel forti Achyllis clypeo placidissime conquiescere
exoptauit : quia Tuâ regente dexterâ, perarduam hanc æ-
quē ac laboriosam, quam haud ita pridem nactus es Pro-
uinciam, in flore ac pristino vigore Te conseruaturum
non dubiâ spe persensit. Reflorescet Te Pastore Vigi-
lantissimo Clerus, ad virtutum perfectionem, administra-
bit rectē pieq; Sacramenta, visitabit & solabitur ægro-
tos, non præbebit malum exemplum suis Auditoribus,
vitabit ambitionem & auaritiam, erit amans concordia:
non ad seditionis tumultus occasionem vulgo præbebit,
arguet magnâ libertate hominum vitia, non terrebitur mi-
nis aduersariorum, expugnabit constanter hæresim, & bla-
sphemiam, excutiet Schismatû tenebras plusquam cyme-
rias, lucem præterea amantissimam veritatis excitabit: atq;
adeo propter Sacrosancti Confessionem Euangelij, pati-
enter ferret persecutionem; vt odia, exilia, spoliationes
bonorum, ipsam denique vitam quâ nihil dulcius, nihil
præstantius, nihil exoptabilius à communi rerum omni-
um Parente natura mortalium generi concessum est, non
perhorrescet si opus fuerit profundere. Bona Ecclesia-
stica diripi, alienari, ad profanos vsus conuerti, vel in fi-
scum alicuius transmoueri, nequaquam patietur. Atque
vt multa in pauca conferam, omnia sarta testaque Te im-
perante Archidiaëcesis Leopoliensis est habitura. Quid
verò in Magistratus honore constituti viri, ob concessam
Tibi tantam gloriam obtinere, difficile dictu est, sin mo-
menta rationum rei istius contendero recensere. Ma-
gnū etenim ac operosum laboris onus est, Senatoriæ di-
gnitati ceruices supponere, in qua præclare dum te geris

ILLVSRISSIME DOMINE, quousquisque bonorum
ciuium intuenietur, qui non extollat Te sapientissimum flo-
rentissimi Regni Polonorum Senatorem: qui auxiliares
non semel manus, periclitanti Reip: porrigis, vt verus Pa-
triæ Propugnator efficereris: in tutanda omnium libertate
noctu diuq; inuigilas, ne legum authoritas, decretorum
maiestas, priuilegiorum integritas, & quorumuis Constitu-
tionum vis atque robur firmissimum, per immanissimam
sceleratorum hominum audaciam, ne imminuatur tempe-
stiuè prouides. Maiorum Sacrosanctam consuetudinem,
quæ memoriâ sæculorum omnium duratura est, excin-
di per temerarios ausus, nequaquam permittis & funestari.
Loquitur hæc Tua merita, templum illud sanctitatis,
amplitudinis, mentis, consilij publici, ara sociorum, por-
tus omniû Sarmaticarum gentium, (Senatum intelligo.)
Testantur plurimæ in accipiendis à Te beneficijs ciuita-
tes, pro quarum salute ac incolumitate, veluti pro aris &
focis, etiam cum aliorum inuidencia felicissimè dimica-
sti: sed longè hoc cæteris contestatur, Princeps vrbs Rus-
siæ Leopoli; optimis ingenijs feracissima, syderum beni-
gnitate felicissima, ædificiorum splendore nobilissima, a-
grorum vbertate, camporum amænitate, montium præsi-
dijs & aspectu, ciuium humanitate, candore, sapientiâ ce-
leberrima; quæ vrbs habet quendam benignissimum in-
fluxum, liberalissimumq; ingenijs fauentissimum Plane-
tam, vel ipsam quæ Athenis præsidebat olim præsidem
Palladem; Cùm quisquis in hac vrbe natus sit, aut
acutus Pœta, aut neruosus Orator, aut subtilis
Philosophus, aut præstans Medicus, aut Iuris Sacerdos
E
eximi-

eximius, aut profundus Theologus, aut omnium scientiarum arbiter præstantissimus habebatur. Hæc vrbs inquam, tam eximijs, tam exquisitis, tam inæstimabilibus summi rerum effectoris ac naturæ ipsius ornamentis condecorata, Te magnum Senatorem, ad conseruandam integritatem suam exortum, Amplissimumque suum Mecænatem, mirum in modum exultans salutat. An non frequens de industria nomine S. R. Maiestatis in Rusliam expeditus, pro resoluendis ac sopiendis inter litigantes difficultatibus, fuisti Leopoli ad Sensum expositus? dum optimi functus officio internuntij, abstrusas causas enodabas, quæ Tuâ dexteritate finem sortiebantur exoptatum. An pendebat animi quisquam? in biuione hærebatur nec rationem huius rei non habebat exploratam? quomodo temeritati resistebas, quomodo negligentiam, malorum persæpè in rebus humanis prænuntiam improbas; tum quomodo ad mutuam animorum consensionem, vtrique parti in suo statu tranquillitatem exoptans, moderatione Tuâ ac placabilitate, mirificâ quadam ratione inducebas. Omnibus, in bonis vbertatem, in animis sanctitatem, vt prospero rerum successu, per innumerabilem annorum seriem, vniuersum mortalium genus frueretur, per cupidus apprecabaris. Hinc iam fasces Dominationis suæ Leopoli, tanquam lumini ac ornamento suo, absque vlla tergiuersatione, in patrocínio perlibens submittere Tibi regendas, non dubitabit: cum præfagâ vigilantis Principis mente accuratè præuideat, quantum Tuo iudicio grauiissimo, quantum prudentiâ incredibili, quantum fortitudine heroicâ, iustitia diuinâ, authoritate singulari, in

lari, in bono suo communi propagando, quantum inquam
emolumentorum sis allaturus. Iam Leopoli seditionum
perturbationes, publicæ tranquillitatis turbatrices, per in-
solentiam à facinorosis non excitabuntur hominibus, ve-
rùm: Tua omnibus periucunda præsentia, radix ac origo e-
arum, tãquam lernæa multorum capitum hydra, de medio
nobilissimi loci protrudetur. Non dissensionum motus,
mutuam humani generis disrumpentes consociationem,
cum ingenti iactura Urbis, per domos, per forum, plateas,
Vicos, ac compita grassabuntur: sed pax exoptata, bono-
rum omnium aggregationem perenni tempore adaugens:
hæc omnia, vt in tuto tanquam portu desideratissimo con-
quiescant; Te auctore obseruabitur Sanctissimè. Non si-
multatû fallaciarumq; venena atrocissima, solidam in re-
bus peragendis ciuiû fidem frangentia, nec non irreuoca-
bilem suis auctoribus machinantia ruinam dominabûtur:
sed amor cõcatenatus, indissolubilẽ amicitiaẽ nexum pro-
gengrans, atque quibusdam gradibus ad felicitatem ciui-
lem iter demonstrans, in suo statu permanebit firmissimo.
Quapropter felicem te ô Leopoli prædico, dum te Me-
tropolim vniuersæ Russiæ, Prouinciæ feracissimæ agno-
sco: feliciorem iudico, dum ciues pace, concordia, amo-
re, religione, fide, copulatos foueas: sed inde te felicissi-
mam existimo, dum **ILLVSTRSSIMVM AC REVE-
RENDISSIMVM D. NICOLAVM KROSNO-
SKI**, splendidissimum Urbis tuæ lumen ac columnen,
in sago & toga longè grauissimum, tanquam sapientiã &
virtute singulari celeberrimum virum, Tuis templis, te-
ctis, parietibus, dominantem conspicio; in spem non du-

biam erigor, tuam nominis immortalitatem, in innumeram annorum seriem constantissime duraturam : quam posteritas alet, diuturnus temporum cursus propagabit, ipsa æternitas sæper intuebitur sine intermissione. Adeo enim inclaresces, præclaris NICOLAI KROSNOWSKI ingenij ac animi dotibus, ut tuam felicitatem, ab huius viri vnus maiestate sis habitura perennem. Sed ne longius à proposito mea deflectat Oratio. Reuoca quæso tibi in memoriam, prima illa enascentis Reipublicæ Romanæ incunabula, reuoca excrecentis amplissimi imperij originem, Consule exterarum gentium de ea iudicium, perluastra annales antiquitatis, volue & reuolue historiarum monumenta : quo tandem pacto Respublica Romana, in tantam adoleuerit maturitatem. Quæris quibus fundamentis stabillium, illud cæteris facile antecelluerit Consulum autoritas atq; fortitudo effecit. Numera ILLUSTRISSE DOMINE si potes illa orbis vniuersi miracula, Decios, Marios, Scipiadas, Catones, Metellos, Scauolas, Pompeios, Tullios, Fabricios, Coruinos, Augustos : sed inter hos maxime aciem oculorum tuorum conijcias in Magnum Camillum, & ex fidelissimis historiographorum monumentis, deprome Tibi illud considerandum admirabile dicti paradigma. *Regnante Camillo Roma capi non potuit.* Quid? nonne hoc laudis Tux Symbolum est? An verò ILLVSRISSE NICOLAO KROSNOWSKI, Pastore Tuo fauentissimo, ô inclyta vrbium Leopoli, tantum abest, capi te à quoquam hostium patieris: quin potius florens ac beata cum Tuis ciuibus permanebis, seræ posteritati semper commendanda. Iam ergo in spem maximam

ximam, & quemadmodum confido verissimam adducta
es, vt hunc annum cæterosque subsequentes, concussâ
maleuolorum licentiâ, cupiditaribus fractis, legibus &
iudicijs constitutis, beneficio Senatoris Tui, tibi fore sa-
lutem augureris. An verò etiam ILLVSTRISSE DOMINE
à Tuo cõplexu, inferioris homines cõditionis remouebo?
Propter quorû vitam ac incolumitatẽ, ab acerbissimis in-
fernorû pyratibus, non dicam defendendû istum gregem, sed
omninò conseruandum suscepisti. Etenim iuxta Diuinum
illum Gentium Doctorem & cælestem tubam Paulum san-
ctum, Te assumptum ac electum Pastorem, ille inficias iue-
rit, qui ab humanitate exutus, atque prorsus à sensibus
alienus est. Dum inueteratâ quâdam consuetudine rece-
ptum esse, rudis ac imperitæ plebis in animis videamus,
quòd adspirare ad meliorem vitæ frugem, nec non ad no-
bilissimarum exercitationem virtutum, inhians præsertim
mundanis vanitatum inquinamentis, erigere sese nequa-
quam valeat; nisi priùs Sapientissimum actionum suarum
Directorem, tanquam verissimum vitæ exemplar, an-
te oculos positam habuerit. In multos statim erratorum
Labyrinthos prolabitur, optimam viuendi rationem iux-
ta mandatum legis Diuinæ præscriptam, commutat in de-
teriorem; laborum pertæsa, impatiens iniuriæ, luxuriæ
auida, insolentiæ studiosa, ac nonnunquam quod animus
meminisse reformidat, animi sanctitatis, necnon Diuinæ
benignitatis oblita, in omnium malorum præcipitium, cæ-
co impetu ruit insperatè. Fingamus animo, liberæ enim
sunt cogitationes nostræ, & quæ volunt sic intuentur, vt
ea cernimus quæ videmus: fingamus inquam imaginem,

F

Varia

varia ac commutabilis plebecula, videbimus profecto quomodo ex illius parte petulantia pugnat cum pudore, fraudatio cum fide, scelus cum pietate, furor cum constantia, turpitudine cum honestate, libido cum continentia; luxuria, ignauia, temeritas, cum æquitate, temperantia, fortitudine, prudentia, omnia vitia cum omnibus virtutibus certant: postremo amentia cum recto iudicio, cum proteruia sana mens, denique omnium rerum desperatio cum bona spe configit assidue. Quocirca tumultuantem eiusmodi plebem, ac tantis diffluentem nequitijs, qui aliquando in cancellis honestatis positam esse vellet, & ut à tanta prauitatis colluie resipisceret, probitatis verò vitæ honestissimorumq; factorum sit amantissima; unicui in medio sui sanctissimum moderatorem, ad corrigendam suam deprauatam naturam, deprecere videtur manifestè. Non aliter nisi ut splendidissimus totius mundi ocellus sol, non tantummodo Sphæras illas cælestes, simulque per amplum hoc terreni globi spacium, lumine proprio illustrat, verum etiam totum vniuersum, in longissima spatia, à supremo rerum omnium fabricatore Deo extensum, radijs clarissimis circumdat undique: Ita numerosam plebis multitudinem, sub vnius imperio contentam, ut anima rerum ordo constantissimè seruetur, vnus populi Præses, innocentia vitæ, morumque integritate colustratus, ad sanctè ducendam vitam populo requiritur: à quo normam benè beatèque viuendi, & optimas regulas quæque nefaria inhihentes, toto vitæ suæ curriculo caperet obseruandas. Sed quemnam obsecro deprauatis ac corruptis plebis Borussiaci moribus, sanctioris ac innocentio-

cetioris vitæ Præfidē assignabimus? nisi Te ILLVSRIS-
SIME DOMINE, ad tanti muneris officium obeundum,
ab ipsis ferē incunabulis, cum maxima hilaritate, & mirā
iucunditate editum; Te inquam tanquam supremum ca-
put, & vniuersi populi geminam preciosissimam in medio
tam perditæ congregationis collocari, ex voto nuncupa-
mus. Qui cognoscendæ Borufforum naturæ, (quæ
spurcissimā Schismatis leprā infecta; ad furta, incen-
dia, homicidia, adulteria, rapinas, veneficia, & ali-
os quosque temerarios ausus, quasi naturæ enthusi-
asmo procliuus esse videatur:) non modò diligens scru-
tator fuisti, verū etiam quod incredibile dictu est,
ipsorum animorum, viuam præpotentis Dei imagi-
nem significantium, exitisti stupendus moderator. Vt
iam augurari liceat, quali agenti Borussiacæ antidōta, pro
tantis eiusdem infirmitatibus, ceu fidelis animarum cura-
tor, debeas subministrare. Expostulabunt à te indōcti ve-
ram Dei cognitionem, doceri eos per sacros literatorum
ordines, precupiens illis immarcescibilem æternæ felici-
tatis coronam, abundē nequaquam grauaberis: indige-
bunt maligni toxico peccatorum infascinati peccatores,
in corrigendis vitæ erroribus, Tuo vt illis medearis au-
xilio: Tu verò veluti alter Ambrosius, tantæ malo-
rum ægritudini, cælestes ambrosias haud grauatim ap-
plicabis. Desiderabunt alij suauiloquam verbi Diuini
prædicationem, Tu verò veluti Augustissimum lumen
Ecclesiæ Diuus Augustinus, adamantina maleuolorum pe-
ctora, per præcones diuinos in primis illustrabis, & illu-
strata ad aliarum virtutum studia accendes amplectenda.

Quid dicam de afflictis immensâque rerum penuriâ oppressis? quorum prægnantibus necessitatibus, ex deuotissimo pietatis spiritu, vnusquisq; religiosissimo cultui numinis Diuinissimi consecratus, subsidium ferre in animo obligatur; quid dicam inquam quomodo liberali munificentia, & munificâ beneuolentiâ, tanquam Aristides iustissimus, auxiliaberis extremæ pauperum egestati: dubium animum habere non possumus, cum frequentissimè ac pænè quotidie videamus, manifestissima huius rei in Te argumenta. Taceo amorem electo populo Dei, à te semper pro tua mirifica in vnumquenque officiorum promptitudine etiam exhibitum, ac deinceps exhibendum. Non commemoro admirandam in rebus citra vituperationis notam peragendis dexteritatem, per multorum dierum atque annorum interualla tecum duraturam fælicissimè. Prætermitto heroicis pectoribus dignissimam virtutem nimirum liberalitatem, genuinam Tui amplissimi nominis propagatricem commendandam; quæ non modò in visceribus Regni Sarmatici perennatura est, sed ultra fines Patriæ, fontem perennem gloriæ, tanquam liberali Tito Vespasiano est productura. Nihil dico de autoritate, prudentia, magnanimitate, iustitia, grauitate, religione, pietate, affabilitate, alijsque infinitis animi & corporis dotibus pulcherrimis. His ergo Diuinissimis dotibus, ceu validissimis catapultis, populum, cum illi Pastor & Vindex, Parens & Patronus, moderator & medicus salutaris, Iudex & Conciliator præeris: æterni ac immortalis Sponsi, sanctissimis cælestium regnorum palatij, ad nuptias inusitatâ atque nusquam auditâ rerum affluentia

fluētia abundantes, vestibis preciosissimis, Margaritis la-
 pidibusque plurimi pretij contextis, reduces omni sæculo
 exornandum. Iam ergo assume gemmeam cum sacrista-
 nijs pietatis & deuotionis Infulam, ac eā faustum operito
 caput, suscipe in circulo rotundum vigilantia galerum,
 quo ab æstu inimicæ impetitionis gregi Tibi commisso,
 vmbra facias; apprehende sacratum sacri regiminis cum
 cruce pedum, quo aberrantes Christi oues dirigas: indue
 ob diuinum amorem purissimum D. Petri Pallium, quo
 Prælatos ad Dei obsequia potenter munias, ijs omnibus
 prosper, Ecclesiam Tuæ fidei diuinitus cōmissam, æuiter-
 nè gubernes, Senatus peraugusti amplissimā sedem, cum
 ingenti Reipublicæ nostræ emolumento, salutiferis consi-
 lijs adiuues, & gregem Christi ad amænissimum, æquè ac
 iucundissimū locum, vbi viridaria circumdata viuaci sma-
 ragdo, cælesti florum vigent amænitate, & germina Ange-
 licis manibus, pulchrum in modum inserta, flagrantissimū
 emittunt odorem, dexterā Tuæ potentia dirigas, reducas.
 Cū verò Te Duce Ecclesia Dei verum Pontificem, Res-
 publica dignissimum Senatorem, & populus vniuersus vi-
 gillantissimū Pastore fortiantur: Musæ in primis atq; cha-
 rites quietissimæ, nomen Tuum gloriosum, tanquā immor-
 talē cælo Mnemosynon inferēt: sub cuius gratiæ præsidij
 cōquiescere volentes, ad Næstoris & Pompilij annos vt in-
 columis ac summi Pōtificis benedictione, dignitatem hāc,
 quā præfulges regas: prouolutæ ad pedes Tuos, supplicibus
 Votis Tibi gratulantur, atq; fausta quæq;, prospera, fe-
 licia, summo animorum consensu comprecantur.

D I X I.

lictis summo animorum consensu precantur.
 Votis Tibi gratulantur acq; saluta dant; prospera se
 que presules reges; proculat ad pedes Tuo supplicibus
 columnis ac summi Tēstis obedientione dignantur hāc.
 cōducere volentes ad Vātoris & Pompili annos ve in-
 tale celo Mānā dōn inflet: sub cuius gratia praedixis
 riter quiescit. Tūm gloriolum tandem in mor-
 gillanum pēte fortianur: Mula in primis arq; cha-
 publica dignitas genatorem & populus vniuersus vi-
 Cum vero Te Duce Ecclesie Dei verum Pontificem, Rel-
 emittunt odorem dexterae Tuae potentia dirigas, reduces.
 lictis manibus, pulchrum in modum inserta, flagrantissimū
 tago, celsi formi vigeat amantate & germina Ange-
 incunctissimū locum, ubi videris circumdata vivaci sma-
 liis aduues & gregem Christi ad amplexum, redas ac
 ingenti Republicae nostrae volumine salutaris consi-
 ne gubernes. Semelle parangustissimū sedes, cum
 prosper Ecclesiam Tuae fidei diuinitus cōmittam, ruerit
 Tractos ad Dei obsequia poterit munias, in omnis
 ob diuinum amorem purissimū D. Petri Pallium, quo
 cruce pedum, quo abertanes Christi oves dirigas: indue
 vmbra facias; apprehendens sacrum sacri regiminis cum
 quo ab estu inimica impetitionis gregi Tibi commisso,
 caput, suscipe in circulo rotundum vigilantis galatrum,
 nix pietas & deuotionis insulam, ac es saluum operire
 exornandum. Jam ergo illum germanam cum facistera-
 bidiplo plūmi presij contextis, reduces omni saeculo
 fūctis abundantissimis preciosis, Margaritis la-

D I X I

